

Saturday, March 21, 2026

Time - 2:30pm - 2:35pm

**AKASHVANI AIZAWL
REGIONAL NEWS UNIT**

CYBER CRIME TRAINING

Kum 2022 leh 2026 inkarah internet kaihhnawih سوالنا, cyber crime thubuai 361 ziahluh a ni tawh a, kuminah cyber crime thubuai 5 ziahluh tawh a ni.

Nimina Mizoram State Legal Services Authority (MSLSA) leh Mizoram Police buatsaih Cyber Crime trainingah hun hmanpuitu zinga mi Justice Nelson Sailo chuan he thu hi a sawi a. Kum 2017 khan India danpui Article 21-na hnuaia Fundamental Right-ah 'Right to Privacy' chu a pawm thu sawiin hemi zui zel hian Parliament chuan Digital Personal Data Protection chu kum 2023-ah India khua leh tui te data dikna chanvo atan a pawm leh thu a sawi a. Internet lama سوالنا a pun zel thu sawiin India ramah kum 2023-h cyber crime thubuai 86,000 ziahluh a nih thu a sawi a. Heta a tam ber chu sum kaihhnawiha inbumna, social media hmansual leh mipat hmeichhiatna kaihhnawih سوالنا a nih thu a sawi a. Mipuite chu antivirus software hmang uar tur te, file hriat loh internet-ah va hmet leh download mai mai lo tur tein a chah a, harsatna nei te chu rang taka police hnena report thin turin a chah bawk a ni.

He hun hmanpuitu Justice Michael Zothankhuma pawhin thu sawiin cyber crime chu amah pawhin a tawn tawh thil a nih thu sawiin hemi chungchanga training mumal tak buatsaih a ni chu lawmawm a tih thu a sawi a. Thiamna sang zelah khawvel pumah helama harsatna tawk an tam zel thu a sawi a. Tunlai thiamna sang milin dan lam pawh a inher ve zel a ngaih thu sawiin سوالنا pung zel do turin tanrual a ngaih thu a sawi a ni.

DGP Pu Sharad Agarwal pawhin thu sawiin cyber crime hmanrua atan tunlaia khawl changkang, Artificial Intelligence an hman chhoh zel thu a sawi a. Mizoram Police chuan Technical Support Cell te siamin digital forensic tool hrang hrang a hman tangkai zel thu a sawi a ni.



MNF

MNF Legislature Party Secretary leh MLA ni bawk Pu R.Rohmingliana chuan Lengpui ram hralh chungchanga CBI consent pekna lehkha chu a complain tu Pu Lalpianfela hnenah a copy pek ve a nih loh thu leh a complain-a No.12-naah

Chief Minister leh Revenue Minister inrawlhna a tarlan chu CBI consent lehkhahhian tarlan a nih loh thu a sawi.

He thu hi Mizo Hnam Run-a chhung inkhawm nimin-a neihah sawiin, CBI Consent an pekna hi hei aia chiangkhuang zawk ni thei se a ti a ni. Pu Rohmingliana chuan tun budget pharh tak chungchang pawh sawiin, Budget pumpui aṅanga a let leh tur awm lo chi, sorkar inrelbawlina (Revenue Expenditure) chu 100-a 82.52 a nih thu leh, hmasawwna hnathawhna tur (Capital Expenditure) chu 100-a 17.45 chauh dah a nih thu sawiin, he 100-a 17.45-ah hian loan rulhna tur a la tel zui tih a sawi a. ZPM-in an sorkar hmaa an policy lehkhahu tihchhuahah kum 2022 leh 2023 MNF sorkar laia Revenue Expenditure 100-a 71.43 leh Capital Expenditure 100-a 28.57 chu ṭha lo an tih thu an tarlang tih a sawi a. Inremchem tura insawi, CM leh Minister ten motor pakhat bak kawl lo tura insawin an bawhchhe vek tih a sawi a. Tun sorkarah a kum telin vaibelchhe telin leiba a pung awk awk tih Pu Rohmingliana chuan a sawi a ni.



EF&CC

Environment, Forests & Climate Change Department Kawrthah Forest Division hnuuia thawktute chuan dan kenkawhna lama an hmalakna chhunzawmin, dan lova thing phur motor hmun hnihah nimin khan an man.

Rengdil khaw daiah dan lova thingphur truck pakhat leh Bungthuam khua-ah truck pakhat man a ni a. Heng thing phurhte hi state pawn - Assam lama phurh an tum nia hriat a ni.

Kawrthah Forest Division thawktute chuan Mizoram ramngaw hausakna humhalh kawngah khauh taka hma lak zel an tum tih an sawi a. Enfiah hna pawh uluk lehzuala kalpui an tum thu leh dan lova thing phur chhuak emaw, thil dik lo ti hmute chu Range Office hnai berah hriattir turin Kawrthah Forest Division chuan mipuite an ngen a ni.



South Korea on Strait of Hormuz

South Korea chuan khawvel puma tuialhthei zaa 20 lai pek chhuahna Strait of Hormuz kaltlanga harsatna awm loa tuialhthei phur te an chetvel theihna tura tha thawh ve tura an inpeih thu an sawi.

South Korea foreign ministry chuan Iran-in Gulf-a beih thu ah leh Strait of Hormuz khar a nih thuah Europe ram leh Japan telin ram 7 an tangho dawn tih an sawi a. Britain, France, Germany, Italy, Japan, Netherlands leh Canada-te thuchhuah intawm siam pawhin Iran in Strait of Hormuz a khar chu hawn hawng tura phutna thuchhuah intawm an siam bawk a ni.

